



EM 2015/137.1
12. november 2015
Naaja H. Nathanielsen

Peqatigiiffiit eqquniaasitsineranni (lottornermi bingornermilu il.il.) akileraarutini akiliuteqartarunnaarsillugit eqquniaasitsinermi akileraarutit pillugit Inatsisartut inatsisaanni § 1 imm. 4-p allangortinneqarnissaanut Naalackersuisut peqquneqarnissaannik Inatsisartut aalajangiiffigisassaattut siunnersuut. Akileraartarunnaarsitsineq aningaasanoorutini pingguarnermi eqqukkanut atuutsinneqassanngilaq.

(Inatsisartunut ilaasortaq Jens Immanuelson, Siumut)

Siunnersuuteqartup Jens Immanuelsonip Siumumeersup peqatigiiffiit pineqartillugit eqquniaasitsinermit eqqukkanut akileraarutaarunnaarsitsinissaq siunnersuutigivaa. Siunnersuummi peqatigiiffiit bingortitsinermikku eqquniaasitsinermikku allaffissornikkut suliasatigut oqilisaavineqarnissaat siunertarinearpoq. Inuit Ataqatigiinniit siunnersuuteqartup tunngavilersuutai paasilluarsinnaavagut. Tassami eqqugassat annikinnerusut pineqartillugit akitsuutini naatsorsuiniarnej peqatigiiffinnut pisariaqanngitsumik pisarissersuutaasarpoq. Inuit Ataqatigiinniit siunnersuutit misissoqqinneqarnissaanut ataatsimiititaliamut ingerlateqqinneqarnissaa inassutigaarput. Isumaqarput naapertorlugu aningaasat allallu eqqukkat annertuut annertussusaat apeqqutaapput. Eqqugassatut pingaarnertut savamik eqqunermit biilimik eqquisinnaaneq allaassuteqarpoq. Aamma 1.000 kr.-iniit 25.000 kr.-inik eqquisinnaaneq assigiinngissuteqarpoq. Akitsuummik akiliut tamakkiisumik piingikkaluarlugu peqatigiiffiit allaffissornikkut sutigut oqilisaavineqarsinnaanerannut misissuisoqassasoq kissaatigaarput. Assersuutigalugu inatsimmi eqqukkatut minnerpaaffiliussap qaffanneratigut.

Kisianni Inuit Ataqatigiit, una periarfissaq iluatsillugu, eqqartorusupparput aningaasanoornermik nappaateqarnej, ludomani. Nalunngilarput inuppassuit aningaasanoornermut tiguartisimasuusut tamannalu ilaqutariinnut annertoorujussuarmik sunniuteqapiluttarpoq. Peqatigiiffiit aallutaminnut akissaqarumallutik aningaasanik isertitsinissamik pisariaqartitsinerat paasisinnaavarput, isumaqarpugulli allatut tamanna pisinnaasoq aningaasanoornerinnakkuunngitsoq. Kaammattuutigissavarput peqatigiiffiit malittarisassaminni pisussanngortissasut aaqqissuussisarnissanik aningaasanoornermik aamma imigassamik aallaaveqanngitsumik. Tamanna pisinnaavoq qitimmik,

isiginnaartitsinermik, pinnguaatinik sammisaqarnermik, filmerneramik – periarfissat amerlaqaat.

Taamatut tunngaveqarluta siunnersuutip Aningaasanut Ataatsimiititaliamit suliarineqarnissaanik inassuteqarpugut.